

عثمانیہ بویہ یادی . باب عالی . کندی جوانبده ایتالیا دونمسانک عثمانلو سولزنده بولندینی مدتجه بوغازک سفائن تجاریه ایچون اولسون آچیلمه سی غیر قابل اولاجغنی برلسان مناسب ولکن لسان متین ایله روسیه حکومتنه آکلاندی . بز بوندن طولایی حکومتیزی بتون قلبمزله تبریک ایدر و آلقشلا یوروز . هر قدر روسیه حکومتی ایلك محاربه سنی بزمله یاپه جغنده شک وشبهه ایدیله مزسه ده محاربه نك وقتی ، زمانی گلدیکنده تر ددایتمه لم . روسیه اتحاری تصمیم ایتمش اولنقسزین بزمله شو صروده محاربه ایدمه مز . حکومت مذ کوره دهها قوای عسکریه سنی درجه لازمه ده تنظیم ایدمه مدکن باشقه ، حرکات اختلاجویانه بی ده تمامیله بادیرمه مشدر . بالعکس کرک ولایاتده کرک پایتختده آثار اختلال یکی دن کسب شدت ایتمکده در . بناء علیه روسیه نك بلوفرینه کلاه قایدیرتیمه لم و متین اولام !

احمد آغایف

اسلامیت و تورکک

کچن هفته کی سبیل الرشاد مجله اسلامیه سنده ، اسلاملی دارالخلافة اطرافنده طویلابان قوت ، ترککمی ، اسلامیتی ؟ دیه بر مقاله واردی . مقاله صاحبک فکرینه اشتراک ایتمکله برابر ، بر نقطه بی نظر نظر دقته عرض ایتمک ایستورم : صاحب مقاله یه کوره ، دینه علاقہ سی اولیانلر ، مسلکلی اقتضایی اسلامیت طرفداری اولیه بیلیر . پان تورانیزی تعقیب ایتمکده کندیلرینه حق ویریور . بو خصوصه بر آز یا کلیور . بنم فکر مه کوره دینسز اولانلرده پان اسلامیزم فکری تعقیب ایتملیر . پان تورانیزم طرفداری اوله بیلملری ایچون پان اسلامیزم فکری قبول ایتملیرلر .

ایضاح ایدمه : هر ملت ، هر فرد ، سیاستی ، مقدراتی تدویر ایدرکن اک اوله منفعتی کوز اوکنده طوتملیر . اوروپالیر بواساسی حقیقه اکلا دقلرندن دولایی ، کندی ملتیرنک بقاسی و ترقیسی نه یه متوقف ایسه ، نه یایمق لازم کلیورسه اجرا ایدیورلر . هر فدا کارلغه قاتلانلیرلر . دین اورته دن قالفنجه بر ملتک محافظه موجودیتی قابل اوله می جغنی پک اعلا تقدیر ایتمشدر . دینسز اولانلری ده ، علی الخصوص اداره آدملی ایجابنده دیندار کورونمه یه غیرت ایدیورلر . عسکرلرینک دیندار اولملری بر شرط اساسی اتخاذا ایتمشدر . عسکرلکک روحی ، مادیاتدن زیاده معنویات اولدیغنی ، دینسز بر عسکرک معنوی اوله می جغنی آکلامشدر . آلمانیا ایمپراطورینک ایکی ده برده قدسیتدن ، دیندن دم اورمه سی ، هپ بوسیه منیدر . بو کون بر فرانسه ، بر جزاثرلی بی وطنداشلغه قبول ایتمز . اوکا حقوق مدنیه و سیاسی ویرلمسی طرفداری اولمز . چونکه اوبر مسلماندر . اوکا حقوق ویرمک غرور ملی و صلیبی سنه طوقانیر . دیگر اوروپا حکومتلرینک ده ، اسلامله بصورتله معامله ده بولندقلری هر کونکی آثار یله نابتدر . دنیانک هر طرفه نفوذلری یایمق و تحکیم

قابلدر . حالبوکه حکومت مذ کوره بی بزه قارشی بروضیت مساعد . کارانه آلمیه سوق ایدن باشقه عامللر در . بزده اعلان مشروطیت زمانی روسیه ایله ژاپونیا آراسنده کی محاربه نك ختامه تصادف ایتمدی . منکوب ، مغلوب ، داخلاً و خار جاً صوک درجه پریشان اولمش بردولتک بزه قارشی آلاجغنی وضیت ظاهری دوستلقدن باشقه برشی اوله مازدی . فقط تا اولدن شو دوستلغک موقت اولدیغنه آز چوق روسیه بی طانیانلرک کافه سی حکم ایدمه بیلیرلردی . روسیه کندیسنی طویلادی ، قوای عسکریه وامور داخله سنی تنظیم ایتمدیکی آنده شو وضعیتی دکشیدیره جکنه شک ایدیله مزدی . و حقیقتاً ده بویله اولدی .

روسیه حکومتی غوائل حاضره مزدن استفاده ایدره ک بزی متضرر ایدمه جک ، بزی معروض ضربه ایدمه جک هیچ بر وسیله دن امتناع ایتمیور . توسط فکرینی ایلك دفعه شو حکومت ایجاد ایتمدی و دیگر حکومتانه تکلیف ایتمدی . بوکا موفق اولامدیغنی کورونجه همان آذربایجان و ایران مسئله سنی ایقاع ایتمدی . بوکاده ایستدیکی قدر موفق اولامدی . آذربایجان مسئله سنک حل عثمانلی و ایران مرخصلرندن متشکل بر قومیسو نه حواله ایدلدی ، قومیسون طرفندن حل ایدیله میه جک نقطه لر قالیسه لاهی صلح محکمه سنه تودیع ایدیله جکی بر نسیب اولارق قبول ایدلدی .

شمدی ایسه روسیه حکومتی بتون حکومت سائره میاننده اوک ایاق اولارق چناق قلعه بوغازینک آچیلمه سنی بزدن طلب ایدیور . ایشک اک غریب وعین زمانده ده اک معنیدار جهتی همان روسیه نك در سعادت سفیری طرفندن باب عالی یه چناق قلعه بوغازینسه عائد بر نوطه نك تودیی کونی روسیه خارجه ناظرینک پترسبورغده مشهور نطقنی ایراد ایتمه سیدر ! نوطه نك تبلیغی و نطقک ایرادی بلکه عین آنده بیله وقوع بولمشدر . اکر فی الحقیقه روسیه حکومتی چناق قلعه حقدنه حسن نیت پرورده ایدیورسه اک بسبب بر منطق و عقلک ایجابجه مذ کور نطقک اعتدال پرور و ملا یتمکار اولمه سی لازمدی . حالبوکه نطق مذ کور صوک درجه جریحه بخش و متجاوزانه در . روسیه خارجه ناظری هیچ اوتانمه دن دوما کرسی خطابتدن ایتالیایی « علو جنابلقه ، افکار و حسیات انسانیت کارانه » ایله تعریف ایتمدیکی حالده ؛ بزده بالقانلرده ساکن اهالی خرسیتانیه حقدنه معدلتکارانه طاورانه مزی توصیه ایتمشدر . بالطبع بویله بر نطق بتون عثمانلورده حس نفرت و استکراه اویندیردی . بتون مطبوعات عثمانیه روسیه خارجه ناظرینی تأدبه دعوت ایتمدی . و عثمانلورک امور داخله سنه مداخله ایتمک ادعای فضولانه سنده بولنق یرینه بزه توصیه ایتمدیکی معدلت و انصافک هیچ اولمزسه بر حصه سنی کندی مملکتده یاشایان وعین درجه ده ایکنه ی خرسیتان و مسلمانلر حقدنه بذل ایتمک لزومنی اخطار ایلهدی .

بزه قارشی بوقدر بروضیت خصومتکارانه آلمش اولان بردولتک نوطه سنه رددن باشقه بالطبع بر جواب ویریه مزدی . نیته کیم حکومت

واستفاده به غیرت ایتمک الزم دکلیدر؛ منفعت ملت بونی ایجاب ایتمی؟
دینی بر جریان تعقیب ایتمک بکر منجی عصره یاقیشماز... دینه نلرک
نظر دقتی جلب ایدرم.

بوتقاط مهمه دن صرف نظر، دیگر بر مهم نقطه واردرکه
اسلامیت جریانک تعقیب ایداسی لزومی پک آشکار بر صورته
کوسترپر. بالفرض کنیدی آرا مردم تفرقه بی موجب قومیت جریانلری
نه قدر تعقیب ایتمک، کنسه ایدلم، ینه اوروپالیرک اسلامله قارشی
بسله دکلری فکر تجاوز و تحکملرندن قورتیله میز. بلکه آرتسنه
سبب اولورز. اوروپالیر «صلیب، هلاله غالب کلیدر، هلالک
ینه قائم اولمیدر» فکری عصرلردن بری تعقیب ایتمک کبی
شمدی ده او فکرلرنده ثابتدرلر. ایلریده ده عینله بویله اوله جغه
شبهه یوقدر. بر فاسلینک، بر ایرانلینک باشنه کلنلر بر تورککده باشنه
کله بیلر. تورکاری بوحاله کتیرمک ایچون اوروپالیرک بتون قوتلریله
چالشدقلری میدانددر. بتون اسلاملر عینی تهدید آلتنده بولنیورلر.
او حالده اسارت اقتصادی، سیاسی دن قورتلغه غیرت ایتمک هر اسلام
اسمنی طاشیانک بورجی دکلیدر؟ قوتی داغتمق و تفرقه دن باشقه
بر شیئه یرامیان قومیت جریانلرندن واز کچرک بتون قوتلری بر آره یه
طوبلایان اسلامیت جریاننه بتون موجودیت ایله صارملق ایجاب ایتمی؟
ایشته بوتقطه لردن دولای دینله علاقه سی اولمیانلرکده، اتحات و اخوت
اسلامیه طرفداری اولملری لازم کایر.

بو محاکمک هپ بوش اولدیغنی بر آن ایچون فرض ایدلم؛ عجبا
تورکک جریانی مشر، پان تورانیزم قابل بر شیمیدر؟.. تورک دیه
قبول ایتمکیز اسلاملرک قسم اعظمی روسیه ده یشایورلر، بونلرک
حیاتلری، عثمانلی تورککینه نظراً بتون بتون باشقه در. عجبا
بر قرانلی یه اسلامیت حسنه مراجعت ایتمه رک تورککلی قبول
ایتدیره بیلیرمیز؟ اونک ملیت حسنه مراجعت ایله «سن تورکسک!»
دنیلدیکی زمان او، بر آرز دوشونیر، کنیدی کنیدینه دیرک: «بنم
محیط ایله عثمانلی محیطی آری، عادات و طیبلمز بر برینه بکزدمز،
ادبیاتمز آری، لسان شیوه سنده فرق وار، تاریخلمز، عنعناتمز
آری، الحاصل قومیته عاند هر بر اساسده بر آریلق وار؛ او حالده
بن ایچون تورک اولهیم، بنی تورککله باغلایان هیچ بر قوت کورده میورم،
بن هرشیدن اول تاتارم» دیه دوشونیر. دین حسندن آزاده قومیت
حی اولملری بویله بر فکره سوق ایتمکده پک حقلیدر.

فقط آرایه اسلامیت کیرنجه ایش دکشیر؛ عینی آدم دیرک:
«اسلاملر هر یرده اسیر و محکومدر. هر یرده هجومه معروض قالیورلر،
اسلاملر قارداش اولدقلرندن بر برینه ظهیر اولمغه، یاردم ایتمک
بورجلیدرلر. اسارتدن قورتق، کبة اللهی اعلا ایتمک ایچون هپ
متحداً چالشمیلیز. عثمانلی تورککری ده اسلامدر. عینی زمانده اللرنده
خلافت ده موجود، دنیاده یگانه بر اسلام حکومتی محافظه ایدیورلر،
بناء علیه اونلرک بقای و ترقیسی، اسلامیتک بقا و ترقیسی مستلزم

ایتمک ایچون دینی ال بیوک بر واسطه اوله رق قوللانیورلر. میسیونر
هیئتلرینه میلیونلرجه پاره ویریورلر؛ بوفدا کار آدملر عربستان چوللرینه
قدر سوقولیورلر. والحاصل ملت منفعتی نهی ایجاب ایدیورسه
اجراسی ایچون هیچ تردد ایتمورلر.

تورکک طرفدارلری طبیعتیه اسلامیت طرفدارلی اولملری
لازمدر. منفعت ملت بونده ذر. محترم احمد آغایف پک توزک یوردینک
اونجی صایسنده بو خصوصی پک کوزل ایضاح ایدیور: «بزم دین
علینه چیقان، قومیت طرفدارلریز، قومیت نه اولدیغنی اوزون
اوزادی به عریض و عمیق مطالعه و تدقیق ایتمه مشلردر. کنیدی حسیاتلرنده،
طرز تفکرلرنده آلدانمشلردر. بر قومک دینی، یعنی اساس روح
وحیاتی انکار ایدنلر او قومک طرفداری اوله میز.» دییور. مفرط
بر ناسیونالیستک، تورککری فکری، علمی، اقتصادی خصوصاً
برلشدیرمک شویله دورسون، تورکیه اداره سنده کی مسلمان عناصر
ایله تورکک آردسنه بر اوچوروم قازمقدن باشقه بر شیئه یرامز.

یالکز تورکک طرفداری اولان بعض ذوات دییورلرک: «اسلامیت
فکری تعقیب ایتمک قابل دکلدر. عناصر مسلمنه نک منورالفکر
اولانلری ملیت جریانلری تعقیب ایدیورلر، ترکره قارشی بر عدم
امنیت، بر عدم خشنودی بسلورلر؛ ایشه بزده بونلری کوردرک
اسلاملق نامنه چالشمه نک فائده سزا اولدیغنه، تورکک ایچون چالشمه نک
الزم اولدیغنه قناعت حاصل ایتمک..»

نه قدر یا کاش بر فکر! بر حزب قلیلک بویله بر فکر طاشیمسیه
همان اساسدن تباعد ایتمک نه قدر بوش در. اسلاملر آراسنده اخوت
و اتحاد طرفداری اولانلرکده او فرقه قایلیمه، ملیت طرفدارلرینه التحاق
ایتملری، ترکره و حکومت قارشی بر عدم امنیت حیسی بسله ملری
تسهیل و تعجیل ایتمک سبب اولور.

خلافت قوتنک ترکرده اولسی ده بتون اسلاملر ایچون چالشمه بی
ایجاب ایدر. بوقوتی محافظه و بوندن استفاده ایچون قومیت ساحه محدوده سندن
چیقاراق، دها واسع، دها مفید میدان فعالیتی انتخاب ایتمیدر.

اوروپا و آمریقالیری اله الهلم: بونلر ممالک عثمانیه نک هر گوشه سنه
سوقولمشلر، میسیونر هیئتلری کیجه کوندوز اوغراشیورلر، کویله
وارنجه یه قدر مکتبلر، دارالصناعه لر، دارالشفالر آچورلر. مثلاً بر
کویه کیدیور، زراعت مکتبی آچور، مجاناً او قوتیور، خسته لری
مجاناً باقیور، تداوی ایدیور. عجبا بونلرک بوقدر فدا کارلرله، مزاحمه
قاتلانمه لرینه سبب نه در؟ انسانیت ایچون، مقاصد علویه ایچون چالشدقلری
ظن ایتمک پک صافدر و نلق اولور. بوفدا کارلرله سبب، کنیدی نفوذ
سیاسی، اقتصادی، فکریلری نشر و تقویه، کنیدیلرینه محب و طرفدار
جلب ایتمکدن باشقه برشی دکلدر. دیمک که اونلر، اله ایدلسی کوچ
بر قوته مالک اولمق ایچون بوقدر فدا کارلر اختیار ایدیورلر.
او حالده بز تورککله اله ایدلسی ایچون هیچ امک صرفه احتیاج
اولمیان، مکمل و مؤثر بر قوت اولان خلافت قوتی حسن استعمال

قبول ایشدر . بز ظن ایدیورز که حق وعدالتہ خدمت ایدن افکار منوره اصحابی مبعوث مومالیہک شو تفسیرات و بیاناتی کل شدتله رد ایدہ جکلر در . اصل شایان تأسف نقطہ مومالیہک شو قسم بیاناتندہ موجوددر : (بووعدلرک انجازی ایچون حال حاضر «مناسب» دکلدر . فقط کرید مسئلهسی حقندہ برآدیم کری کیمہ نک روسیہ نک عنعناتہ کلیاً دهشتلی مخالف اولدینغی تصدیق ایتک لازم کلیر)

شواجی سوزلرله مومالیہ ، یونان محاربهسی مناسبتیلہ یک زیادہ زبازد اولمغه باشلایان « صلیک کیردیگی ری هلال بردها اشغال ایتمز » دستور تعصبکارینسی یکی باشدن خاطرلرله کیتیمک ایسته یور . بز بوکا بتون موجودیتلرله تأسف ایلرز . اگر روسیہ حکومت معظمه سنک عنعناتی تدقیق ایدر سهک یک چوق نقاط نظر دن مبعوث مومالیہک شو بیانات سقیمه سنه مکمل تکذیلر تشکیل ایدہ جک حرکات مردانہ کوروریز . اگر برآدیم کری کیتیمک حق وعدالت نامنه برشین ، برلکه ایسه روسیہ حکومتی دکل هیچ بردوات معظمه طرفندن بویله برحرکتیک ارتکاب اولومسنی بز عنانلیر نه تکلیف ونهده قبوله تنزل ایلرز . فقط حقوق حکمرانیزی مقدس برامانت اولق اوزرم محافظه ایچون مستودع صفتیلہ بروظیفه تحمیل ایلدی کمز دول معظمه کرید و دیه سنک تصرفی حقندہ - مبعوث محترم طرفندن بیان ایلدیگی وجهله - وعدلر ویره جک قدر حدود وداعتی تجاوز ایدر لر سه حق وعدالت نامنه بز عنانلیر بوتعرضه ، عنزت نفس ملیمیزی قیرمچق بویله بر تجاوزه قطعاً تحمل ایدہ یوز . آرتق بیلملی که سایه مشروطیتده ملکی ایچون چاریان بر عنانلی یوره کی موجوددر !

کرید رسو اهان مسئلهسی وکیل عمومیسی

دعوی وکلی کریدی

احمد سلیق

مَطَبُوعَاتُ

مالک اسلامیہ و حکومت نصرانیہ

خریطه یه شویله برکوز کز دیره جک و آفریقای غربتک منتهاسندن چین دکزینہ قدر بر خط مختلط کشیده ایدہ جک اولور سهق کوریرز که بمالک اسلامیہ اوزرینہ صالدران حکومت متبدنه نصرانیہ نک عددی درده بالغ اولور . انکلتزه باشده اولق اوزره فرانسه ، ایتالیا ، روسیہ طوغریدن طوغری به اقوا . لهله ایلہ محارب بولمقدہ در . بونک دردی عنین زمانده کیزلی براهل صلیب بایراغی آلتندہ مجتمع اولدق لری کی ینه عنین زمانده دردی (بان اسلامیزم) یعنی (اتحاد اسلام) پولیتقهسی علیهنه صلیب بیوب صمان صاوورمقدہ درلر . یا بزه نه دیرسکز ؟

تأمل ایلہمک لازم کلیر که (محمد علی) وقعه معلومه سنیده بزه امداد ایدن (انکلتزه) بوکون مصره مستولی ، کذا وقعه مذکورده بزه مخالفتله برابر انکلیز دوباره سنه اوغرایان فرانسه (جزایر ، تونس ، فاس) قطعہ لرینہ کویا

اولدینغی جهته ، نم ایچون هر شیدن اول ملتزم و مقدس بر آرزودر . ترکلر نم الک یقین قورده شمدر « ذیہ محاکاتی یورودیر . تورکلکی ده یک قولایلقله قبول ایدر .

اولحالدہ بان اسلامیزم بان تورانیزم یابه بیلر . یالکیز تورکلک حسی هیچ بر شی یابه مز . خلاصه (اتحاد اسلام) فکری (اتحاد اترک) دوغوره بیلر . فقط یالکیز تورکلک فکری هیچ بر شی دوغورمز ، عقیم قالغه محکومدر . بو حقایق محترم بوسف آچورا بکلک نظر دقتنه عرض ایدرم .

هامش : اتحاد دن مقصد ، سیاسی دکلدر . بونک تحت امکانه کیره بیلمسی دها شمعدیلک یک بیددر . فقط علمی ، اقتصادی ، اجتماعی اتحادک اساسلری هپ برلکده غیرت ایدیلر سه صاعلام اوله رق قونه بیلر .

ع . سلیمان

کرید مسئلهسی

ناخوسه تفسیرات -

معلومدر که مشروطیت ایلہ اداره اولونان ملتدرده بودجه مذاکره اولونورکن قوه اجرائیه مستقبده اتخدا ایدہ جکی حرکات سیاسیہ یی ملته اکلاتق وقوه تشریحیه نقطه نظری قبول ایتدیمرک اصولنه رعایت ایلکده در . (دوما) مجلسنده اخیراً خارجیه بودجهسی مذاکره اولونورکن موسیو سازانوف طرفندن احکامنه رعایت اولونان بوقاعدیه توفیقاً ایراد ایدیلن نطق عثمانلیق علنده اولدینغی کی محافل سائره سیاسیہ ده دخی ممنونیت بخش هیچ بر تاثیر حاصل ایتمه مشدر ؛ بالعکس نطق مذکورده ترکیا متفکرینی بر دریای تردده القا ایدہ جک وقومشو حکومتک صاف ومستقیم بر حرکت دوستانده بولوندیغندن شبهه ایتدیمره جک بر چوق ایهامات موجوددر . بورالری رجال سیاسیہ مز دوشونسون . بزم موضوع بحث ایتک ایسته دیکمز ماده (دوما) مجلسنده مبعوث میلز و قوف نام ذانک کرید حقندہ کی بیاناتیدر . مومالیہ دیور که « کرید مسئله سنه کلتجه دولتیر یونان قرالنه بعض وعدلرده بولونمشدر در » عجباشو افاده دول مستودعی مشکل بر موقعه قویمازمی ؛ واقعا بر مبعوث حریت کلامه مالک اولدینغی ایچون مطالعاتی وجدانک تلقیناتی دائره سنیده بیان ایدہ بیلر . فقط ظن ایدرر که بویله انجبه مسائله دولتیرک موقعی اشکال ایدہ جک تفسیراتده بولونمق کندی حکومتنه خدمت دکل ، ضرردر . موسیو میلز و قوف دخی بیایر که یونان قرالنه شاید دول معظمه طرفندن وعدلر ویرلش ایسه بووعدلر حقوق حکمرانی عثمانی به تاثیر اعتباریله غیر قابل انجازدر . کذلک امور مسلمه دندر که دولت عثمانیه کریدی بر ودیعه اولق اوزره دول مستودعیه « موقه » تودیع ایشدر . ودیعه ده تصرفک غیر جائز بولوندیغنی یالکیز علم حقوق دکل ، سیاسیات دخی بر چوق تجربهلرله